

欽定大清會典圖卷一

禮一 祀典一

天壇總圖

圜丘壇圖

圜丘壇第一成位次圖

圜丘壇第二成以下位次圖

圜丘壇告祭位次圖



五聖寺學堂大圖

五聖寺二聖殿大圖

五聖寺一聖殿大圖


五聖圖

五聖圖


聖一

五聖大龍會典圖卷一

豐餘圖



天壇總圖



圜丘壇。

祈穀壇。同建在正陽門南之東。當都城已位。內外垣俱前方後圓。外垣周一千九百八十七丈五尺。高一丈一尺五寸。址厚八尺。頂厚六尺。垣内外色以城甃。下三進上二進。出檐各三尺二寸。門二座。各三間。皆西嚮。南為

圜丘門。北為

祈穀壇之外西天門。

圜丘門之內。南為犧牲所。南嚮。鐘樓在其西。北為神樂署東嚮。內垣周一千二百八十六丈一尺五寸。

高一丈一尺。址厚九尺。頂厚七尺。内外出檐各二尺。包甃如外垣。内垣内當南北之中。互東西為垣。左右直中作半規形者為

圓丘壇北垣

圓丘壇周垣設門四。東曰

泰元門。西曰

廣利門。南曰

昭亨門。北曰

成貞門。皆三門。朱扉。金釘縱橫各九。其内為外墻垣。

制方。又其内為内墻垣。制圓。又其内為

圍丘三成。內外壝四面各三門。外壝南門外

神路之東。為設

大次之所。

皇穹宇。在外壝北門外。制圓。南嚮。金頂。單檐。內外環轉。各八柱。塗金飾轉枝蓮門一。窗二。東西北。砌以城甃。基高九尺。徑五丈九尺九寸。面鋪青石。圍石欄版四十有九。均高三尺六寸。東西南三出。陛各十有四級。左右廡各五間。東西嚮。一出陛。各七級。圍垣砌以城甃。圓周五十六丈六尺八寸。高一丈八寸。前三門。南嚮。崇基石欄。前後三

出陛各五級。外墻東門外北。

神庫五間。南嚮。

神廚五間。井亭一。六角。閑以朱櫺。皆西嚮。垣一重。

門一。南嚮。其東為祭器庫。樂器庫。椽薦庫。各三間。西嚮。垣一重。門一。南嚮。又東為宰牲亭三間。南嚮。井亭一。六角。閑以朱櫺。西嚮。垣一重。門一。南嚮。

祈穀壇在

成貞門北。其垣南接

圜丘壇垣。東西北天門三。各三間。其內為內墻。垣東西

南甌門三。各三間。內外丹牖。南為大甌門。其外神路之東。為設

大次之所。其內為

祈年門。門內為

祈年殿。內墻垣之外。東南西南兩隅。繚以曲垣。東嚮角門一。西嚮角門一。北嚮角門一。內墻垣之北。琉璃門三座。後為

皇乾殿。制方。南嚮五間。衛以石欄五十有九。正面三出陛。東西一出陛。各九級。東西北三面周以垣。西垣之南。西嚮角門一。東甌門外。廊房七十二間。

聯檐通脊。北為

神庫五間。南嚮。左右

神廚各五間。東西嚮。井亭一。六角。間以朱櫺。西嚮。垣一重。門一。南嚮。其東北為宰牲亭。五間。南嚮。井亭一。六角。間以朱櫺。西嚮。垣一重。門一。南嚮。

圜丘壇北垣

成貞門之西。大門一。左右門各一。為

聖駕詣

壇宿

齋宮出入之門。

齋宮在

祈穀壇之西。天門內。少南。東嚮。正殿五間。一出陛。垣一重。內宮門一座。南北門各一。殿後垣一重。南北門各一。左右隨事房各五間。東嚮。垣各一重。垣東門各一。門之東。垣各一重。垣南北左右隨事房各五間。南北嚮。前大殿五間。崇基石欄。三出陛。正面十有三級。左右各十有五級。陛前左設齋戒銅人石亭一。右設時辰牌石亭一。左右界牆一。門各一。西北隅井一。內宮牆。方周一百三十三丈九尺四寸。中三間。三出陛。皆七級。左右

門各一。皆六級。周圍環池。前跨石梁三。左右石梁各一。東北隅鐘樓一。外宮牆。方周一百九十八丈二尺二寸。環以迴廊一百六十三間。復繞以深池。宮門石梁。與內宮牆同。

昭亨門外。東西石牌坊各一。

園丘壇

皇穹宇

祈穀壇

皇乾殿門樓壇垣。其覆瓦皆用青色琉璃。其餘壇門七座。及隨門圍垣用綠瓦。凡高以古尺計。

古尺載律呂正

義當工部營造餘皆今尺凡達正門之路為

尺八寸一分

神路。餘為甬路。甬路由

圜丘門入者。折而南而東。達

昭亨門。門以內。東達

泰元門。西達

廣利門。

廣利門內折而北。東達

圜丘壇

神路。壇外墻東門。東達

神庫。祭器樂器椶薦庫。宰牲亭。

廣利門內折而北。逕大門直達西天門。西天門內折而南。東達。

皇穹宇圍垣外

神路。由外西天門入者。東達西天門。南而東而北。

亦達

圍丘門。西天門以內。直東達

祈穀壇

神路。折而南。達

齋宮北門。少東。南達

齋宮正門。

齋宮正門東達

祈穀壇

神路。西天門以內。東折而北。達西角門及西甑門。
達

皇乾殿。東甑門外由廊房達

神庫。宰牲亭。犧牲所。圍牆東西五十二丈。南北五
十二丈五尺。大門三間。南嚮。內花門一座。正房
十有一間。中三間奉犧牲之神。左右牧夫房各
二間。牛房各二間。後屋十有六間。內滿漢所牧
房各三間。所軍房一間。貯草房五間。草夫房四

間。東邊兩重四十八間。內貯料房二間。貯草房
三間。牛房十有五間。羊房五間。鹿房二十間。兔
房三間。西邊一重十有五間。內庫房一間。泡料
房磨房各二間。豕房五間。牛房五間。鹿檻牛枋
分列屋之左右。西北隅官廳三間。東嚮井一。北
門一間。